

直廬藁



05033

直廬稿卷第六

鈴山堂集四

書簡

復闕里孔氏聘啓

伏以尼山仰止風欽詩禮之傳京國游從迺重婚姻之託將以締百春之好于焉合二姓之懽雖云聲氣之相求自顧門閥之非稱爲修世睦實出天緣恭惟聖公親家大人 大聖之裔上公之尊襲道德以留芳擅珪璋而繼美維令郎早毓慶門克承俎豆之學而弱息未開姆訓敢希蘋藻之供仰蒙鴈幣以登嘉祗卜龜疇而協吉盟言是奉既聞金玉之好音寵貺惟承愧乏瓊瑤之美報所有菲儀開具別幅伏惟鑒納謹啓

直廬稿

一卷六書

聘安遠柳氏謝錦衣徐東園啓

忻荷高盟克成嘉禮卜云其吉遠傳青鳥之音享曰有儀遄送玉臺之喜惟天緣之有定顧人事之孔時然以地崇勲閱源滍德門雖季諾之不遺實齊大之非偶恭惟 錦衣東園親家大人簪纓貴胄衮冕華宗言有物而行有恒高義素聞於南國貴不驕而富不侈芳名克紹於前修嵩頃綠宦寓獲廁賓階登李膺之龍門爰遂披雲之辛宴謝安之別墅屢邀春月

之歡敢期兒輩之愚復得君親之好歲寒愧依於美
玉薦蘿幸托於長松信使言旋絨書載復瞻依念切
聿增雲樹之思感激情深莫效瓊瑤之報謹具非儀
用陳別幅

謝太保魏國徐公啓

祇奉華緘遠勤价使顧多儀之寵及謹拜首以登嘉
恭惟 太保上公世濟大勲天相多福金陵作鎮巖
巖邦國之干城鐵券留芳永永河山之帶礪嵩頃綠
宦寓獲廁賓階榮戟高門既披雲之有幸葭莩新好
迺倚玉之多榮敢因青翼之傳併効碧芹之獻謹有
直廬稿

天卷六書

二

謝儀具陳別幅尚冀茂迎 宸眷倍攝典居感忭之
私敷宣罔既

聘平江陳氏親啓

伏以締姻盟於二姓允係天緣際道泰於三陽肇稱
吉禮既荷南金之諾用陳采幣之儀恭惟 太保總
戎陳老大人五等崇階世績勲庸之盛千年喬木家
承忠孝之傳旌鉞臨戎播威聲於海嶠絲綸入召資
籌畧於廟堂蒿敬仰名門切欽高誼昔年講習於成
均相知最舊此日過從於京邸敦好逾新顧小孫佩
鞞之年師模甫就維令嬾詠梅之秀姆訓夙閑幸葭

玉之相依忻松蘿之有託以似以續深期徼福於私門必腆必誠敢謂肅將於信使所有菲儀具陳別幅

答湛甘泉尚書

昨因賢郎去妄意以文序干浼然計翁高年願嗇詎可勞筆硯文不敢望得也忽孫舍賚到緘翰及門發函則手錄盛製一編浩浩滿紙宛似南海珊瑚之枝一旦入手驚喜踰望莊讀數過文從字順若風行水上淪漣演迤自然成章而有一瀉千里之勢誠天下至文也迺知盛德殷愛不鄙外如此神觀精明文采渙發如此縉紳見者曰占翁壽考之無疆也謹已入

直廬稿

卷六書

五

刻弁諸簡端所得手筆則裝潢爲卷寶藏之區區感幸何可云喻備詢道履多福第聞冢嗣太守到家奄逝此不勝悼歎也入還謹此報謝不具

答張靜峯司馬

手書備領感感緬惟總戎二載經畧采勞時方多事廊廟需賢士大夫咸以不得亟還我公爲望而尚遲遲者以兵事未畢大功垂成恐委而去之萬一地方有遺患焉將來議者得以藉口故士大夫又咸以當且留公爲地方計亦爲公善後計也入還輒用布此伏惟俯察輿論而深亮之焉幸甚幸甚

又

頃聞首惡龍許保未獲論者為地方憂乃果有思州之變 皇上日覽章疏自虜患後飭勵臣工救過不暇今見苗患生靈被慘 聖怒有加凡所處分出上親斷地方重事期公悉心料理以收平定之功優寵隨至幸無介于懷焉人還謹此伏惟多愛

與歐南野學士

京邸多藉教益而獎借溢於文字間深用銘佩別後恒切思慕以冗務牽率未緣修問不審孝履何似時事孔艱僕力小任重茫無寸補去秋虜患竭盡心力五廬稿 卷六書 四 其為歎掌勞瘁何可勝言然猶不滿於多口小壻書報公聞此甚憂念數遣書問狀朋友道喪如公誼關休戚何敢忘何敢忘黃振之秋官行謹奉此道遠臆不悉

又

曾工部送到所賜書然拙文久已附去覽書知尚未達也僕處此才薄責重日以憂惕頃虜患後講求防禦之策徒耗財費茫無實效高識長慮如公不得朝夕請益甚切思企鄙懷臨紙不能悉布時因便風幸

無靳德音之誨

與韓死洛司馬

賈奏人至伏讀佳跡所以求退之意真切懇至而蒙
書及於僕尤申諭之惓惓焉大抵公之素志高雅非
苟逐時好者茲喜 溫旨允俞誠足以明君子難進
易退之節爲仕者止足之戒清風高蹈邈乎鳳凰千
仞之上矣鄙劣曷勝歎仰愧服之至山川遙隔瞻望
馳神惟倍攝興居茂膺壽考是祝謹奉啓

答翁憲長

憶在己丑之歲試事禮曹諸彥三十餘人今在仕途
者甚鮮其騰茂譽陟崇階者公等僅僅二三而已於
直廬稿 卷六書 五
是知成立之難雖係于天亦已所自致君子不謂命
也恭喜擢拜大憲臬之長跬步便入內臺矣辱書極
荷故情輒用此申復不具

與顧箬溪司寇

人至拜領手墨并高什二章又賜象印製刻甚精滇
中乃有此妙手何讓蘇吳欣欣荷恭惟荐膺新命
正位秋官去國多年榮入朝著所謂人稱晚達樹比
冬青而同年又增一尚書深可喜也未可遲留過望
趣駕以副瞻竚頃張石川寄來諸君子見贈壽詞僕
各和一篇爲謝謹錄去入覽晤對有期不多布

答程松溪司成

獲領教函并讀書記西山此集示後學以致用之具
不肖撫攬陳編徒有目負初心之歎而惟知珎荷盛
意而已又蒙以僕近日得孫爲賀此意猶不淺感激
感激瞻邇多情惟冀崇護以棟斯文

答應容菴中丞

仕于時有偶遭橫抑而終見利亨者此天道福善之
理也非人之所能爲也明公清節重望海內共知頃
以無故罷歸識者所歎恭遇 明聖需賢光復舊物
所謂天者至是始定耳而區區一念景慕私衷因之
直廬稿 卷六書 六

少慰謹此奉復尚惟加愛以茂承天寵不具

與李克齋中丞

督餉一節戶部有錢糧以資糴買有郎中一員以專
委用征討叙功則陞賞得預失事則罰不及雖以才
用公亦擇安地以處公也而來書謂投以艱大若怨
僕忌害之者且如東沙張公僕素相知厚茲同取而
來亦豈忌害之乎當國家多事正賴英賢戮力所謂
艱危湏仗出群才也於此之時以才見錄超于品彙
儔伍中正宜揚眉吐氣纓冠褰裳以赴君父之難却
乃逡巡其進怨對其詞甚非平日所望於公亦非公

之所以自待也 主上勵精無一時而忘慮用人
官賞不吝怠事邊然不測僕庸淺賸佐日不暇給昨
虜得利必然復至而今任事之臣尚泄泄怠緩而言
者每咎曰君相不理僕可道其責乎專具此奉告惟
高明幸亮焉

與何大華司馬

今次任事之勞公當敘首而賞懋也世延之典則已
殊矣卿正未諧 聖主尚有曹彬惜使相之意乎近
來持議之人各異良工獨苦誰盡知之所得既庶知
者為公不平否者可免其議况力阻用兵公之陰德
全活民命何限只此可以自慰矣其他不足計也

真虛稿

卷六書

七

答江子順憲副

千里外為賤生撰詞緘幣專使而至此意良勤而書
詞盈紙皆寫數載積懷讀之感念僕忝官于此比歲
皆憂恐度日所以不能決去者以 聖恩不忍負又
懼忤 聖意不敢言耳因循至今祇增慚恧往歲銓
司舉用眾賢中有碍者因不果行僕徒有此心當任
此外難以告人也然遲速無亦有六之生賢其果
有意于斯世也既生之則豈欲屈之于人事滾滾
行作此報復言不盡意伏惟三察

答江子春于夏

承昆玉記念賤生千里外緘幣製書更便為賀書詞
惓惓愛念讀之宛見顏色在前楚然以喜僕比歲以
來憂恐度日即又耄及智暗力小任重安得知已相
與誘掖之慰諭之昆玉睽遠在遠則悵然以懷也此
日子春當促駕赴廣仲氏當秋間來京師寧神定居
以俟決戰此又區區之切望也日苦冗劇不得作書
家使趣行統此致復不能一一

與李澗山中丞

朮山補南工侍公代之命下僕為之喜甚一以西蜀

直廬稿

卷六書

八

保釐得賢一以吾邑山水發祥有此盛事中丞八座
之官進此步極難非居官操履慎政事懋非人家福
分厚不能到而公無有之其至此宜也况自此登進
日愈崇矣承差去臨發作此以致賀私昨小壻書報
印臺公行縣特議改建學廟此又吾邦一盛事但工
費鉅有司倘不敷鄙意謂吾輩學校所自出當以贊
俸少助之敢預告于執事者風便幸惠教

與許石城提學

昨得家報舍下地址事蒙提學道察院委官查勘取
具該學師生結狀明白回道蓋前者更質學地窄寒

家地寬諸生獲寬裘之便皆安悅祗緣夢瀑欲中
本府徐守而有此論也公行部至敝邑祠亭倘有未
備更乞責成有司俾加完飭以免衆言夢瀑年來所
爲頗改其素公同年厚會間或可少勸諭之亦所以
成人之美也

與撫按翁夢山蕭侍御

嵩輒有啓白近數年間撫巡二院於本治鄉宦居京
朝者每措給坊價銀兩視其品秩畝爲差等合省各
邑無不周遍此部使大夫優禮一邦之士作興激勸
之盛心也憶僕筮仕自編修至侍讀祭酒其時並未

直廬稿

天卷六書

九

有此舉部使至邑惟賜廩米五升其曰坊銀當道不
施鄉宦亦不覬望近歲乃此風盛行各省皆然僕之
陋劣沐當道諸公之愛爲多然鄙情素不自安其在
今日尤有不能安者邊患未寧財用告訕去歲各省
贖罰之銀搜取殆遍而費尚不支將來重歛之事不
無敢以白諸執事者將此端停止搏貯前項銀兩或
可以備軍國不時之需亦卹民省費之一助也然請
止自僕始又或他士夫前所未沾者隨在尊裁未可
以一而妨衆也言出真切非敢矯激伏惟執事深亮
而俯納之焉則所以愛我者厚矣

答本縣尹

專吏辱書高誼勤懇賤生常日各處士夫禮一切不敢受昨歲嘗奉告停止此端迺不蒙見諒重勞記念實深愧感原情歸璧望體察愚情不見罪也每聞鄉人談賢大夫節用愛人清心省事至譽不容口此爲斯邑之民之幸志行若此將來被嚴召入要途又斯世之幸也家人言竹園初構旣蒙車從親至勞視而每因公出道便輒一造視徃來七峯之麓徘徊顧望又此鄉泉石之幸因書及此聊用爲謝焉

與袁西園封君

直廬稿

卷六書

十

蒙書諭邑東建橋一節此君子與人爲善之心甚盛甚盛語曰見義不爲無勇也敢不敬承嘉教而昨者民宋等亦曾以此爲言但舉此大役有不可易易者必先集謀合議擇里中父老素有德行處事有方言議可服衆者又擇素有戒行道人存心念善出納財用毫髮不私者得如此數人俾司其事又擇素有心計之人先議於何處所建立爲宜必水停滯不衝激必於風水有關鎖既定地址方可鳩工聚料期以三四年而成吾又思本縣西昌山東鍾山二峽緊束每遇霖潦則泛濫滔汨洪波漲溢橋被淹沒勢必壅

如京師良鄉縣琉璃河先年有橋亦以地徙水漫橋
輒傾毀昨 朝廷命工大修增築地高數丈水不能
漫橋方保無患此即明證然以 朝廷威命工曹大
臣監督內監匠作精修京營發卒數萬方克有成可
易易哉夫建橋本是美事財未敢惜吳中長橋亦是
人爲但彼皆平流成之可久祇緣吾邑有水患切恐
營之數年壞之一旦數千金費於無益矣區區愚見
伏望博集群議恭俟教音以賜復焉

又

聞修學一節學舊址窄拆上真觀拓之然聞庠友不
直廬稿 一 卷六書 一
欲改建只仍舊貫夫動觀地則學廟鼎新庶不負當
道諸公作興感舉若仍舊貫則可存觀與道士住免
其遷徙之勞也或謂僕欲得地廣舍者敝舍墻垣修
砌已固無所事此此不必疑也

與翁東厓尚書

邇聞抵家康吉極慰懷仰公雖退處而士大夫無一
日不望其出以弘濟時艱近者言官疏薦實出輿論
之公然在知厚猶以前伎未息茲且遵養俟時斯爲
保全之道度公必此意同也賢者出處自有天意存
焉惟若時加愛是祝賚本人回敬奉此不具

與楊用修

拜領大作如獲琪璧南金捧誦不能釋手其評騭古今揚權風雅厥論最當惟是比擬非倫槩借過實僕乃有愧耳然得此何幸何幸執事翰苑倫魁斗山重望滇之人皆知尊禮敬重可以安處但聞多寄寓公宇或假士人園廬以居似覺非便昔樂天廬山之舍東坡白鶴之居公或援此擇勝地築一室自棲止他日便是蜀歸可留此作滇中故實豈非佳事雪寒人去迫不一不

與何御史維栢

直廬稿

卷六書

七

往年之疏僕知非公本意惑於舒雲川之言耳雲川亦錯疑外補由僕迺不勝憤而激公爲此然不能庇雲川吾過也吾過也故爲文祭之以表予心焉茲錄稿一通奉執事一覽外希頽之奏併奉覽因湛子太守行附之海內豪傑要當以意氣相許不必以小嫌爲介也

與張南川

頃年當事之人恣行胸臆欲盡斥其所不便者而易置之雖素有德望如公亦所不免然士大夫遭遇升沉舒慘無亦有命存焉非人之所能爲也茲惟悔處

遵養以冀雷雨大霑之恩天道福善豈終弗定乎公
明於理學義命之旨計必能安之人還奉此不宣

與鄒東廓司成

獲領教翰遊二洞詩併佳集種種展誦塵思爲之一
清緬想高風雅度超然萬物之表而敝鄉山水名賢
所經草木亦與有光耀焉僕老衰不得謝伏領尊教
慚負何可言僕於人間榮遇之事叨冒已極來日無
幾寧復有所希戀豈不知決然引去以取責于時貽
譏于後世第以制命在君上有不能自遂者而情
之危苦誰復亮之臨紙聊道此偶疾不能自書

直廬稿

卷書

三

又

昨冬附一書大廓處奉寄計已入覽春來伏審道候
佳適久卧石室公身則安矣如蒼生之望何然此乃
吾輩之責事有不能如心者徒切慚負而已雙江翁
獲釋重負卽休逸可謂全福矣抵家公等朝夕晤語
爲樂可知因行奉此不悉

與羅念菴翰撰

今士大夫咸以念菴諸君子日望其東山之起尚爾
久卧吾輩於此豈能辭責中間事體妨害有難以告
人者徒深慚負而已然天之生賢以爲世用其處其

出天意自有在非人之所能爲也因雙江翁行聊道
此伏惟鑒亮

與王兩洲大宰

經春伏惟以時納祐仕宦畏途林園真樂若僕老衰
日處憂責解脫無由緬思高賢盛福蚤能超出塵累
信天畀之獨完也令郎行聊奉此不悉

與聞石塘大宰

鄞士夫來每獲聞動定第以冗劇終日不能一奉啓
間想公能亮之也仕宦得謝而休乃是樂事僕老衰
未知稅駕之所因思超出塵累享有康福如公者豈
直廬稿

卷六書

十四

可企及耶謹因賢郎定省之便奉此不宣

與曾前溪侍郎

治河之役公等經畫架勞功在生民伏深贊仰獲領
來書以三里溝建閘最便爲言夫苟利於國與民則
毅然行之嫌怨所不避此大臣君子之事也公何疑
焉僕老衰日負憂責解脫無由支撐無補深愧深愧
人還聊奉此

與吳默泉司空

賑濟事甚勞區畫地方之幸擬入京得面領教而適
有總漕新命維茲重任非公不可或者謂不當復勞

公子外夫大臣出入均勞願體斯義以副 聖明簡
用區區之祝也昨疏論諸事具見經濟嘉猷在今日
皆得自行之矣又豈非地方之幸歟專官奉候舟行
臨楮不盡馳企

與鄭澹泉都憲

近日倭寇四發地方被慘所不忍聞所喜當事諸賢
皆一時妙選纓冠褰裳實有攸賴焉夫立政要在明
賞罰懦將革任玩吏查叅皆如佳議行人回具此奉
復不悉

與湛甘泉尚書

直廬稿

卷六書

五

尊翰三月付呂舍人者涉秋始至亟讀如見顏色諷
誦九歌如倚櫂武夷而聆欸乃之音想見超然物表
恨鄙拙之不能從焉鯉湖夢示大極左翁之語神告
不誣翁年及期願精明康健真丹臺紫府人也江子
提學去附此敬候并以復謝云

又

憲副何子至獲領詩扇手墨知燈下作蠅頭之字夫
九十之齡世所稀有况官六卿名德重一世有此者
尤千百之一耳非扶輿清淑間氣之所獨鍾耶先生
得於大者屢矣小詩一首庸效岡陵之祝拜以小扇

奉荅來章因符卿梁子獻之門下伏惟情鑒幸甚

與張半洲總督

南北倭虜未靖甚慮 聖慮無三五日不下問者昨
本兵降罰閱邸報可知至於督責之勅無非欲公早
平此賊以安地方也浙蘇士夫多彼中事情此間無
不知奏報貴從實機宜貴加慎惟望亟成膚績以慰
聖心區區之祝也人回敬此奉復

與趙原實侍郎

人至疏奏祭告已成但賊情未之及 上昨諭曰倭
寇無報情蓋 上急欲聞此乃無一言是以問也此

直廬稿

不卷書

十六

月朔日蒙 召見內殿惓惓以倭事為問聞昨有司
舟載米肉酒等數百艘犒瓦氏兵悉為賊掠去到此
時地方官猶不能加慎致墮賊手不但空費填城莫
甚焉彼中事此間無不知者宜自加慎以仰答 聖
明遣命至意人去付此以告

又

原題察視賊情向未有言茲疏可以復 上命矣彼
中事情此間無不知吾屢曾寄聲半洲云上屢屢下
問此言非惟彼不之信且惡聞之也此日官校去
切慮諸兵驚懼或解散須臾石厓亟為撫輯其幾也

論瓦氏俾圖後效無以一青自沮吾有書奉石厓可
索觀之价行遄致此

與周石厓都憲

頃聞狼兵甚銳中外咸謂決可成功日望捷奏之至
不意復大挫衄聞者爲之扼腕其不肯進兵聞諸將
忌功出瓦氏督府將瓦兵四散調守不能結聚又爲
大猷管領所制不得展布此瓦氏氣憤而幾死也彼
中事情此間明若觀火而當事者將謂可以掩飾愚
矣愚矣又聞漳泉兵以賊多同鄉遇戰不肯殺似蠹
在內者果然當圖爲之處恭惟明公受 新命重託
直廬稿

天卷六書

七

正更絃之始東隅之失前車之戒惟深致意焉以收
桑榆之績以副 聖明簡任以慰士大夫之望僕不
勝虔祝

與趙原實

三首

昨疏論軍情督兵追賊傾困餉士諸舉非忠義所激
不能是以上格 天心乃有捨身爲國之褒二品章
服之賜 聖眷非常茲行不負遣命吾有喜焉 聖
明委任之隆今竭忠督討須與諸公協謀從事務奏
膚功然計此時或已成柘林之搗矣衛官行遄附此

梅林道長處煩致意

又

疏至據法白汝等俱該逮問但總督方被逮餘者自當知警亦計此日必在搗巢冀或有功可贖故且俟之耳吳中傳來督撫諸公原無殺賊意只以重兵壓境賊必懼而逸然後虛張奏報賊退遁徼功賞耳不料盤結不去捉衿肘見而莫可掩飾矣此待諸鄉宦等之言若果懷此念坐視今殃深貽後患是何心也原實慷慨任怨人臣事君之道當如是也尚惟加勉以副 聖明殊眷是祝

又

直廬稿

卷六書

又

連得奏報及得諸人言當事之臣不肯進兵委可憤恨不知出何心也 聖明乾斷各正其罪易置督撫

三臣此更絃之始而特授原實督察之銜賜勅關防

又 密諭令我馳書示汝茲謹錄 聖諭一節并回

荅之奏奉看 聖恩隆重委寄非常原實素心忠報

自許不俟我言然於此又當加勉也近督撫等又疏

請調兵夫昨調到兵不戰再調何益不過假此等語

以爲遷延歲月之計已雖得計而民則受殃矣目今

狼土等兵見在還作其銳氣勉之報效已如所請

勅獎勵彼衆必思奮可得其用也會諸公計議何

梅林峻擢不負忠勇豈非天道福善之報乎希道意
爲祝報 上恩也

荅任叅政

自有倭患以來地方官奮力討賊徇國忘身者公一
人而已吳中士大夫譽不容口僕雖未荆識而聞執
事盛名偉烈竊深敬慕焉伏承遣使致書足仰高情
致貺則不敢承兵興餉匱此等正宜裁損愚情真切
惟執事者之亮之也日寇滋劇尚願諸君子協謀戮
力以圖蕩平之績區區至望敬奉復不備

與胡梅林都憲

直廬稿

天卷六書

九

自有倭患以來 皇上惓惓在念無時不致問者曾
屢致書督撫諸公以此告之或面語來使令傳此意
使各知慎然俱不蒙見信將謂僕假詞以恐之也又
聞諸公原無志殺賊將謂調各兵至賊懼而逸可以
了事今日之蒙罪譴諸君之自誤也目今轉禍爲福
之秋茶惟執事受 新命重任當與諸君子戮力平
賊圖奏膚功區區至望人去謹奉復

復聶雙江司馬

別時曾謂於徐州登陸旣而聞取道蘇吳僑寓城中
張指揮家倭寇充斥不無戒心然聞公尊體安好今

郎冲幼避江之行處此可謂得所屢從爾來得
動定忤來領手墨鄙懷爲喜爲慰且公寓邸殊整暇
著文作詩懷抱自佳足徵素養靜定非凡淺者可到
也喜吳寇稍寧自此越杭而南漸入坦途日近故鄉
樂事無涯矣惟僕勞瘁靡息未知稅駕之期此爲愧
歎耳忤還遙此寄謝不具

與光祿趙孟晉

人至辱書啓函疾讀數過情詞滿紙翰苑故人山川
杳隔忽覩手墨千里而至固足然以喜矣然公數載
躋路崎嶇今則畱都顯擢荐入亨衢此可爲斯文慶
且廬稿

卷六書

十

而追憶往歲事變動勳吾儕相與圖議於苑內之直
豈知今日復得彈冠于 聖明之朝此不可爲世道
慶也哉僕老衰無補祗可媿者拭目公等雲集周行
區區事 君一念庶其在此嚴召有期惟多愛以副
虔望

與張蒙溪司馬

昨來深以得聚首朝夕資教益爲幸旋別而南不勝
悵悵然重寄得賢爲國家慶區區之私不足言也今
仕者不患無辨給通敏之才惟率務餽譽擇利應文
進責之爲實心幹事四字公所素有者持此行之將

來明效大業當暴暴顯白于時無疑矣佳疏一一奉
行人回專此伏惟加愛以茂迎 天眷是祝

與史沱村都憲

辱書備領感感江南事明公經畫采勞頃者諫垣之
論以茲重寄不可釋公雖偶滯遐舉而地方則有賴
矣夫自有倭患以來 聖念憂勤無時不厯諭問
主上日覽章奏獨運乾綱軍國重務悉出 宸斷僕
等兢兢從事來教有包荒之謂此甚相愛然僕所處
甚難方今法弛人玩將懦卒疲屢致失事迄無成功
百萬生靈被慘吳中士夫多擬議之間稍若縱恣則
直廬稿

卷六書

五

曰居政地者不以地方民命爲念也昨總督之代

上諭曰誥之用已三更矣再否不可赦也 天語孔

赫外豈能知人去因敢布其私伏惟加察

與趙原實尙書

得出都後書知一路安順可喜及得徐州書知揚賊
復熾夫前報賊之去者非能驅逐之也滿其欲也既
獲利未遭挫不免復至目今各兵齊集必然進勦要
在嚴紀律審機宜夫戰孔子之所慎不可忽也若獲
捷便馳報渴望渴望浙事有胡阮二公可託聞近頗
有微隙此甚非宜夫廉藺之事史冊以爲美談二公

高明有不知之乎原實於二公皆相厚當為慰解之
然此節得諸道路之言或不可則遂不必言之海暑
多愛

又

昨原實之出也論者曰此去同梅林主撫議耳中間
情狀出於好事者之口而聽撫一節實為自損及佳
疏至曰彼賊擁眾要脅強以難從之請必殺之無難
志確而敵壯大義昭晰聞者稱快焉彼曉曉者自息
矣論者又曰桐鄉之圍梅林殿用間紆急乃用兵機
宜未為不是然今大兵四集不一決戰復持此論則

直廬稿

卷書

十一

不可矣原實忠懷報主必獲自天之佑惟慎圖之
又近聞山峰僂居之捷可喜人去過附此

又

沈庄之戰成此大捷奏至吾喜而不寐江南被倭蹂
極矣將兵往往失利茲者原實與諸君子合謀併力
倒穴傾巢殲厥渠醜數年劇寇一旦蕩平謂非社稷
之功乎語曰運亨臨事不惑原實力拒撫議一志勦
賊前史謂蔡功惟斷乃成今有之矣 聖心嘉悅特
賜 爾書褒諭凱旋當即大拜然地方事來歲未可

弛備此在督撫二公更祝加意焉

與湛甘泉尚書

頃聞執事將為衡嶽之行僕昔年使廣西道經嶽下
番十餘日平生所值惟此得大觀焉而茲也不得侍
杖履以從公遊固已神馳於天柱祝融之上矣蒙寄
羅大尹謝武科兩書是月同時而至何憲副去先用
此為復

又

謝子之至也獲領所賜手筆詩一冊自將發舟以至
南嶽諸篇疾讀數過想見高志浩然超出塵壒而備
承徒御安穩道體康勝浣慰良深夫以九十大老千
里出遊泛舟江濤躡屐雲嶠人間希有事此詩海內
流傳貽之末代當使聞者神聳也謝子告還因再附
此

與尹洞山少宰

金陵今陪都而古稱佳麗地也僕往年叨掌銓部于
茲堂後有竹一林長夏清陰落几案間宴坐翛然無
一點塵事平生所歷宦味唯此為勝至今夢想不能
忘執事以高文雅度日對此君人境相稱又三渠公
同寮契分相投其樂當何如然公等日處其間或
未知其為樂他日別此而去履煩當劇身任憂責追

同寮家契分相投其樂當何如然公等日處其間
未知其爲樂他日別此而去屢煩當劇身任憂責道
憶前遊然後知此日之難再得也使來致手書慰問
甚厚感服之至手文帖九華山石俱蒙大作題識
讀喜快無量適此裁謝未間萬萬以時自重

與趙大洲光祿

昨歲入都頗得晤對聞教論所以益我者多矣切惟
直諒多聞三者公實兼之別去企想不能忘陸君來
知還任雷郡甫一日卽陸君行追送之江東之驛而
寄聲于僕此意已領悉矣因便謹用此附謝

直廬稿

入卷書

三

又

頃者宋侍御張翰林及洞山少宰處三領手墨長箋
惓惓示喻久因冗務因循未卽裁答而置在座隅時
一披誦懷感無已其蕪集蒙垂覽曰學爲古文詞者
學古人之道也古人之道卽其所以治世者也論甚
高卽用此意便可綴衍作爲序引倘得援龍湖槐野
二公例固所願也不識能終賜之否也朝門之建
至上銳志速成之意甚美人心無不懽悅者僕老矣
無能報上知遇答稱士大夫之望良友在遠不
朝夕承教益此私切恒在念亦不識能亮之否也

至四領手墨益增愧感敬統此奉復時寒不果自書

與唐荆川

詞館二三君子豹隱林谷僕往來于懷未嘗忘茲喜
執事榮膺 召命輿情大愜吾道有光焉幸甚幸甚
人至特枉箋教誼意甚厚且聞茲月已釋吉甚慰方
今 聖王在上賢智奮庸公平生負蓄於是可大行
矣語有不俟駕之訓敬用此爲祝晤對有期不多及

與張蒙溪尚書

庚戌虜患之後言者紛起不務修實政專欲添官一
時奏設經畧鹽法屯田等都御史數員部覆從之既

直廬稿

卷六書

五

而徒設罔效言官奏要裁革部又覆從之夫建議者
意見各殊其可否裁酌則在于部臣而往往徇情於
國事不求其當既行復改甚非舉措古之大臣所陳
利害文字一切報罷自有深意今操江一節事于

成憲尤未可輕議昨鳳陽添巡撫乃 祖宗時原是
兩都御史與此不同也南兵部兼領操江目前輿議
皆以爲不可將來行不去必有起而改之者先儒謂
上前諍事各持異議以相正下殿相善不失和氣而
如故此人臣事君之道也惟尊亮不罪

又

昨者拜書左右自謂宜得禮遇美遇辱之及
獎加厚益深感愧即日南寇既寧雷都安堵公保釐
之績爲多浙中獲王直近日并未有奏至不知作何
處此賊既擒東南之患或可少息也人回復此未聞
伏冀爲國自重

又

人至得書地方人情軍機政體千里外宛奉面談而
真確可信感服深矣浙中事是非不明論者以王直
之來爲降爲順夫直雄據海上名爲賊久矣茲來邀
挾開市可謂順乎梅林被沮撓疑畏不敢動故師久
直廬稿

入卷書

二六

無功茲賴 皇上特賜批斷人心始定可一意殺賊
而事勢比前爲難矣又如御史斯臧衆論全泗州保
陵寢運道皆其功而劉顯殺賊功亦大昨滄泉署
兵部諸邊功次一切不行獨於斯臧特與題覆謂當
重加陞賞何南北之論不同如此京師近日獲一劇
盜保甲法行中外肅然畧舉近事一二奉知不覺
縷

與王師質總督

邊場事弊弛已久然未可遂諉之曰不可爲必有高
世卓越之才起而振之宋种世衡初至青澗守備

非明公今日事耶而公之才足任之患不爲耳 皇
上於邊務日切憂勤近日右衛幾失赫怒斯振即收
明效今宣大得虞坡薊鎮得公勢相犄角中外恃以
有賴焉練兵一事士論顛顛然望之此事有成免調
邊兵爲國家永利明公亦垂永聞惟力圖之蒙素愛
敢以此說進唐荆川去凡事相與計之

又

兩目恐尊懷不懌正欲致一書述鄙意而家使適至
調邊兵一節 上意素不樂此屢形諭示謂非經久
直廬稿

不卷之書

五

之件而司計者恒曰財用匱乏由兵調費多抑且頻
年遠戍人情不堪意外之變尤有可虞然必練區兵
方可免調邊兵惟公深亮之勿以爲疑而力圖之幸
甚幸甚

與唐荆川

觸暑徂征不無煩倦人至得手墨知精神更勝志在
爲國忘其勞也公斯行以文儒治兵事捧讀薊城諸
作廣覽遐登語新而氣壯敬羨敬羨夫練兵自是邊
臣本職有志之士不待 朝廷曉示自可爲之馬巡
撫書題以危言相脅可乎幸語諸公不必過爲疑畏

子屈心視之盡力行之而已此後不惜頻示教
暑尚熾更希保重

又

高作墜示誦味累日格調竒壯筆勢翩翩有漁陽之
將建旗鼓出塞之狀薊門風景宛然在目傳曰登高
能賦可以爲大夫斯之謂矣至讀籌邊諸疏指陳利
病深切著明夫此事他人未經心不能知之或筆
力不能發茲行足徵平生所學老拙固深爲國事得
人慶也即日初寒不知居起何似郊寺僻遠來教謂
近處擇一靜地調攝最善且時得相接奉今果在何
直廬稿

天卷三書

三八

所幸以見示

與李克齋

自公到鎮銳志殫力夙夜圖爲備禦之策而適值木
石諸綱運叢集一時盤錯糾紛處裁無滯迺反遭指
摘今時是非不明如此可慨哉竊計不能無介子懷
而自陳一疏氣昌詞偉叙述詳明精采逸發讀者咸
稱服焉公論未嘗不明惟萬萬爲地方自重區區至
祝

又

兵之疏事理詳明比上年數減一千甚善此節儉

非不樂聞爲國省費爲地方長計必須練主兵免調
客兵衆論皆云耳况江之北與蘇松之民習奢脆弱
者不同其地多鹽徒剽悍輕生而芒碭徐沛間子弟
自昔稱豪且蘇人昨亦徵兵于邳而茲乃他求乎愚
意只從土兵習練久之可得其用風聲流聞賊自不
敢入境執事以爲何如閩試策問論主客兵事甚悉
奉去或有可觀

又

今歲揚州之賊數倍往昔執事督兵臨戰連得奇捷
斬獲千計士大夫欣欣相告咸曰非常之偉績也而
直廬稿

入卷六書

三九

僕聞之忉躍百倍誠以賢業遙隆群望允愜東山特
起於是爲不負矣又荆川唐君適以視師來會志同
議合國事攸賴深可慶也即有殊擢齋勅人去謹
奉此不宣

與唐荆川

舟山方靖不意新冠風汛奄至所賴執事督率諸將
邀其未登岸而擊之勝筭先定奇捷非常文濡申申
有此武功聞者莫不駭羨然南奏浙海之捷復視維
揚之師纓冠寨寰國事攸賴此僕之所爲喜而忘寐
也 聖明即有勞賚之典伏想經畧采勳暑中保重

與趙大洲侍郎

春初獲頌箋教併以文序惠寄驚喜過望啓緘亟讀
詞旨精奧論議闕衍直與眉山爭高三復之餘不勝
降歎惟是推引非倫獎借溢分祇悚愧耳僕夙嘗妄
希述作之域力不逮意願視歎然今幸有道君子捨
短取長曲爲印可受賜弘矣感激服膺曷可云喻昨
南工侍簡命之下方爲助喜遽聞讀禮還蜀切深悵
惘然榮登九列顯揚大孝良足慰矣比欲陳謝知己
離任遂爾稽滯此書託令親劉壽泉司徒轉寄少布
直廬稿

卷六書

三十

區區相望孔遙更冀孝履保愛以副翹企

直廬稿卷第七

鈴山堂集四十七

詩

升菴楊慎批點

欽賜平安金字二對

朝野今無事宸情爲一懽微臣亦叨幸歲歲荷平安

賜門神金獅判子等四對

朱戶重重貼春神衛九重蓬門藉光寵金甲壯威容

賜節錢銀

日給天厨饌還勞賜節錢四時并八節日日祝堯年

賜大吉金字二對

直廬稿

八卷七詩

歲裏賜平安元正賜大吉君恩與日新何以効臣職

賜上尊珍饌

黃票封仙醞珍盤列御殮中使勤齋送年朝到閣門

賜金葫蘆簪一對

彩繫黃金簪戴首以榮賜宮中尚葫蘆其義爲多子

賜葫蘆畫五副

殿裏皆高手丹青繪事竒宛疑臨水石春色上花枝

西苑曉行

太液冰初泮澄盈淨綠鋪柳邊籠燭過驚起雙棲鳧

批云禁篋題詠雅有幽致

雲護蒼龍麟波明白玉橋春光在何許渠柳

絕似王維

元日賀雪

聖德通三極齋心格上玄表珍符舊臘賜貺入新年
淅澆敷甸霑濡足舜田微臣懽侍從恭進瑞徵篇

二

元祀崇天誕開壇諷玉章絳節朝群帝鸞輿下九光
寶闕天花墜瑤空皓鶴翔帝命標仙籍新春介百祥

三

元正初啓律瑞雪曉凝華瑤臺成積玉銀樹恍生花

直廬稿

一卷詩

二

候氣寒威變占豐歲事嘉皇曆闢昌運千春未有涯

雪夜禁中馬渡金海橋次桂翁少師

對面飛花亂撲鞍長橋行處玉爲欄人間麩麥堪稱
瑞天上樓臺迥覺寒上宰化鈞調政府騷人清興入
詩壇禁園物色年年勝最喜相從得共看

元夕賜召觀殿壇燈

玉殿瓊階入洞天星河歷歷滿空懸虹橋路接三華
上火樹花明萬炬前紫極神光同煥爛丹爐淑炁自
迴旋祠膏泛粥逢嘉夕戴聖瞻天祝萬年

得初唐體

又次韻京山太傅

逸殿爐煙合鳴空彩樂傳乍瞻鰲閣後遙指鳳燈
錦簇千花障霞明九色天殊觀勞應接緩步得
賜召來中夕祈年禮上玄今宵帝城月仍對直廬眠
大廷策士問帝王道統予忝預讀卷次少師相

公韻 丁未三月

日浮旗影仍隨硯風遍爐香正滿庭大對總陳周禮
樂盛儀應備漢公卿九天日月依華蓋八座星辰拱
太清欲識道傳堯舜意千年今覩 聖人生

坐聞玉漏移高閣起望紅雲覆紫庭一代科名羅俊
彥連朝供奉簡公卿金門榜出人爭沸鳳沼詩成句

直廬稿

卷七詩

三

獨清尚憶對廷弘治日衰庸無補愧平生

東閣晚出宿禮部贊治堂贈費宗伯

入門憶是多年別古栢高槐舊在庭官署幾回更地
主 聖朝三禮重春卿到來自覺塵囂靜坐久猶憐
月色清分得大官厨醞美頓令詩思忽然生

校文寓宿來南省入暮茶香逸戶庭書几牀常仍舊

館栢亭花砌屬名卿衣冠最數同鄉盛天地今逢四

海清咫尺文昌連紫閣會需霖雨濟蒼生

徐金齋張栢

建一 時同為三堂今桂翁鍾石
及子相繼掌部皆出江右也

東閣封卷進呈 御覽

殿閣掄材分甲乙緘封入奏九重知玉毫題處雲霞
爛寶鋤須時雨露垂鮮彩夜探離碧海鯤鱗雷激化
天池賢才輩出扶昌運重詠梧桐鳳羽詩御批一甲
三人卷用
玉管筆賜讀卷官鈔皆故事也批云玉管筆可作甲
第盛事也

春日苑中

樓臺列映多臨水鶯燕群衝不避人行過柳邊橋上
路羅衣風暖不生塵

仰宸樓為大學士張公賦

凌虛見層閣縹緲湖山涯中有綸綍言龍文光陸離
穆穆黃扉宰造膝承堯咨殊錫富緗帙種種琬琰奇

耳廡稿

卷七詩

四

襲箴示采裔神物相護持主恩既云渥臣節良可知
長此仰宸極帶礪以為期

陽峯詩為大學士張公賦

岷江浩東注噴薄萬派盈孤巘俯江際芙蓉如削成
綺麗地靈結岩堯天柱擎雲物互吞吐島嶼相廻紫
伊人秉幽尚興與山水并結屋面其勝林蒼有餘清
波光動遠浦秀色來前楹一朝邁休運應卜登承明
介節立萬仞陽德敷慈民扶輿發清淑川阜儲精英
申甫本嶽峰博說起巖耕茲山在遐服四海稱佳名

松臯書屋詩為少保許公賦

高洛環名區巘嶸紛接連中有萬松樹蒼蒼入雲烟
樛枝鸞鶴舞偃蓋蛟龍騫上宰契高致結屋長林邊
聽濤過絕澗挹翠倚層巘直節聳千仞美蔭覆八埏
時并豈不榮愛此晚節堅且聞啖脂術皓若崆峒仙
風霜既多歷雨露矧乃偏幽貞媿令德因之詩永年

於古調中出奇語不爲選體縛者

許子副郎作近田書屋尊翁少保貽以訓言請

予賦此

甫田負邑廓鬱鬱桑麻繁耘在畎澮棲息依林巒
鷄鳴深樹間鶯啼修竹端生長起華胃而知稼穡難
直廬稿

天卷七詩

五

父菑况有訓肯穫力以殫出懷比授簡接目似銘盤
慎儉惟永圖無逸乃貽安

送大宗伯兩洲王公之任留都

尚書八座古稱崇留省新恩喜屬公遙送仙槎上銀
漢早聞星履近南宮河山形勝蟠龍虎京邑規模奠
鎬豐我昔忝官曾此地別來灣柳幾春風

官舍居柳樹灣

卿家兄弟才名久臺省聯登地望同政以經綸需遠
業極知颺歷有清風鷗鷺擊水搏滄海鸞鶴排雲上
碧空強欲相從那可得心隨旌旆過江東

先祖贈少傅純德府君歿後四十年矣蒙恩

追賜祭蔡感而有述

平生韋布老柴荆，鄉里能傳積善名。不向人間求聞達，豈知身後有孤卿。
制詞褒處雲霞爛，諭祭頒時草木榮。欲報國恩歸未遂，松楸南望一沾纓。

贈大司徒夏公之任留都

地以留都重，官於踐斗崇。臣勞均出入，宦轍任西東。
颺歷年何久，推延論至公。掄材需杞梓，籙羽接鷓鴣。
山翠當窓裏，江流出霧中。理材專劇部，裕國佇深功。
青壤經周賦，緇衣美鄭風。召歸應有日，名姓簡淵衷。
贈別治齋萬公之南司寇

直廬稿

卷七詩

六

八座兩京俱重地，乍聞綸命喜還驚。歷來霜霰松筠晚，上到星辰鳥榮吏部文章歸。大雅秣陵山水續，佳盟眼中知己誰能似。不盡依依送別情。

曲江宴裏西江士，晚歲唯餘我共君。每惜驛驢淹逸步，却看鸞鶴上青雲。春天樹遠情難寄，祖席花穠酒易醺。珍重平生經濟手，漢家麟閣待殊勲。

以內賜仙鶴緋羅贈治齋因題二絕

金織緋羅出內機，殷勤持贈表緇衣。官階服色茲爲極，試數同儕到者稀。

官錦裁成一品衣，自驚仙鶴遶身飛。贈君此服還相

祝符取他年白玉圍

送中丞王公巡撫寧夏

早於瓊樹挹清輝。五色文章動禁闈。風采臺端君獨步。交遊館內侶全稀。行營柳傍朱旌閃。出塞霜隨白簡飛。共羨爲儒兼將畧。即看談笑靖戎機。終始工細
貔虎重圍壯玉關。中臺號令指麾閒。聖朝正倚千城重。絕塞應聞羽檄閒。白草霜連大河岸。翠崖雲擁賀蘭山。頻報年豐秔稻足。萬川戎落盡懽顏。

贈盧睿卿司業

南舟遙問秣稜程。北客初諳宦情海。近雲霞連北固宮。深鍾漏隱西清水。名早已儲三館形。勝真堪賦兩京自昔成均師。道重諸生今喜得陽城。

送張太叅之江西

都城入夏初聞雨。渺渺新波送鷓舟。青瑣從班辭北闕。紫微仙佩向南州。斗間龍氣頻看劍。筆裏陽春欲借籌。還理舊囊看諫草。江湖元繫廟堂憂。

送鄭憲長之江西

京華偶作經春客。江臬今爲千里行。報國丹心應自許。辭天繡服倍爲榮。離離遠樹橋間出。淼淼澄波鳥外明。公去正隆臺有望。吾衰空繫薜蘿情。

予嘗聞府控南州靈節觀風據上游祖席暫留燕市
月樓船先發楚江秋千年鐵柱維蛟蜃五夜龍光射
斗牛藩臬鉅公多善政佇聞田野盡歌謳

五六豈非摩詰詩中畫乎

送沈憲副之江西

外臺分憲拜恩光粉署含香別舊行列郡候迎瞻
祭戟六條觀察避風霜匡廬問俗雲隨憶滕閣留賓雨
映觴持法正須存愛郵佇聞歌頌遍江鄉

送陳僉憲之江西

天書寵拜霜臺使仙籍名高漢署郎西省燭明親案

直廬稿

卷七詩

八

牘南宮簾鎖校文章門墻已見收桃李廊廟還應待
棟梁想見列城驚按節似聞羈魅泣干將

徐子養痾歸吳中寄贈此詩

五岳期靈藥三山覓紫芝問君何所適惆悵度芳時
天遠江雲隔心清海鶴知欲寄滄浪曲還吟招隱詩

批云清新

徐進士擢第後還松江學士少湖公之弟

曉聽臚音上赤墀滿朝誰不羨連枝玉堂位峻三台
近金榜名香四海知歸意欲題司馬柱別懷長誦惠
連詩盃前想見鱸魚美淞浦秋風是到時

贈甘几山少保

尚書投笏賦西歸擁傳承恩倍有輝鷗夢却便洲者
靜鴻冥直與世塵遠留侯穀為尋仙辟躔傳金從宴
客揮獨有丹心仍戀 主夜瞻星斗望形闡

尊恩樓為甘少保題

樓名新賜動朝班霄漢殊榮孰可攀華扁詔從冬省
製寶函恩自玉宸頒千年傑構岷峨上五夜虹光斗
極間定有山靈為呵護長留 聖藻在人寰

贈董用均編修侍親還吳興

上到蓬萊宮裏行大羅璫籍注仙名皆言天祿司編
貴曾見長楊作賦成歸奉慈輿承色養望隨津樹入
直廬稿 一卷七詩 九
卿程茗溪春水春山麗爰采芳蘭慰爾情

贈胡侍御督學南畿

纔聞按京兆霜隼肅秋天旋喜移南國文星動曉躔
宸恩方被命庭論乃推賢道備師儒職威專御史權
百寮歸糾察多士仰陶甄城闕留都壯山河旬服連
使軺晨擁傳官燭夜窺編揀閱金沙出稱題藻鏡懸
共知清若水還許直如弦學總淵源際文可渾噩前
桓驄仍避路班馭若登仙今日成周治重歌棫樸年
起句扇對如中間奇句層出結又妙

送周儀制出補巢果

浮世萍蹤未可期
眼看棋局事頗移
首屈瑣闥封章
帝獨知君喜驛
駟新得路予慚老
風尚依池群芳搖
落清霜候謾對
黃花勸酒卮

四月二十日早出城到十里莊謾成

四年不到城東路
半餉偷爲出郭行
忽放禽籠因自適
屢馳駒隙却堪驚
人家門戶多殊舊
僧寺園林尚帶清
擾擾車塵那可息
總知求利與求名

和崔駙馬出遊凉水莊

太傅池亭凉水畔
不知長夏有炎蒸
紅霞映渚花千頃
翠幄迎風樹百層
眠鷺盡驚軒蓋起
行雲忽被管

直廬稿

入卷七詩

十

絃疑古來河朔稱
嘉會劇飲何妨酒
似混

出城携客更論文
便覺高風遠俗群
休沐暫辭天上直
招邀閑步水邊雲
花當綺席偏饒色
柳傍朱輪亦駐暉
聞說興來揮醉墨
練裙書破惱羊忻

曉過太液

萬葉田田綠水盈
靈香晨遞遠風清
無人知得天池上
魚鳥於人了不驚

桂翁生辰直舍小酌

鷗園幾歲停歌舫
御苑茲辰捧壽卮
事擬漢庭歸結日
瑞符於岳降申時
雲龍昌運二年會
柱石元功百

辟師長願承恩依舜曆年年身在鳳凰池

再答桂翁

金扉出入每相隨誕日忻逢奉此卮豈合踈庸陪末
議獨看勲業重明時公田黍熟仍訝歲邊塞烟清欲
罷師今日朝廷賴黃髮未應重問白鷗池

九日和桂翁韻

佳節又看逢九日黃花故傍御園開連朝齋禁除葷
酒細和高吟勝舉杯

冬夜直舍枕上偶成

直宿長年在禁園夢魂連夜遶江村省循責任憂蚤
負點檢行藏愧鳳蹲書遠最憐魚鴈杳逕荒猶想菊
松存移文總被山靈誚感遇難酬 聖主恩

太宰整菴羅公年八十 恩賜存問

長於北斗瞻儀範更以南山入頌篇身比温公居洛
日壽同姜叟釣璜年鴻冥世網人難慕龍卧秋霖望
久懸恩詔喜傳存問使要知 明主正思賢

太宰熊公母夫人年九十 恩賜粟帛存問

詔書温問動南州九十萱親事罕儔天部持衡官獨
重壽鄉賜帛寵偏優乘仙欲降瑤池馭紀算頻添
屋籌忠孝百年真不忝汗青應付史官收

太宰唐公母夫人壽九十誕辰賦此奉賀

瑶水嘉期捧壽觴紫宸溫詔拜恩光槐陰入座薰風
滿萱草當庭愛日長八座起居安祿養百官均統冠
朝行九齡稱慶尚書邱勝事流傳百世芳

寄壽少司寇劉梅國年兄

仙翁家住梅花國紗帽開軒倚玉林車馬不驚專壑
夢方舟還憶濟川心文成紉紙能高價酒對園禽自
好音聞道壽筵開七袞因風遙寄鶴飛吟

脫酒不似
壽詩

送少宗伯盛先生還鄉

曾是南宮侍從臣暮年重見帝城春留侯辟穀辭榮
直廬稿
大卷七詩
士
父尚父非熊感遇新海上仙山頻入夢枕中鴻寶可
願神賜歸便逐煙霞去遙羨高風隔世塵

送汪太僕之南滁

官清曾說住留京卿署臨滁地轉清桐牧暫應勞寺
政琴觴長是集僚英雲煙繞郭惟山色花樂開軒自
鳥聲泉上醉翁遺刻在好尋蒼蘚認題名

冬夜集會贈翰林高肅卿梁存業裴子大給諫

何時賓奉使諸藩

喜從賓館聚英僚並向宗藩擁使軺龍闕曉辭銜命
重燕臺春發去程遙沙寒旅鴈鳴相逐日煖河水興

功名在蓬萊人所羨好將顏色比瓊瑤

陳給諫奉母還大梁

同榜幾人能有子又隨鴛鴦立朝端入科筆硯緣封
事退食羹醪為母歡謹議每蒙天獎重歸程不道路
行難安仁自是黃門客重奉蒲輿洛下看古事料雜用

張永清通政貽沈石田畫松卷沈自作歌因次

其韻寄謝永清

誰移雲根橫百丈屈幹駢柯鬱相望烟雨霏濛濕未
乾滿紙虬龍欲奔放風霜飽歷澗之濱勁氣直干霄
漢上鱗甲稜層變化神却憶徂坤脉旺大夫之封

盧履祥

卷七詩

十三

還顧秦三公協夢真非誑石田墨妙擅東吳海內一
時皆景向禁苑開圖值晚冬坐覺天風振屏障尚憐
窮壑有遺材默對丹青思大匠若嚴典刑不必見畫

贈王偉純光祿之南都

江流長逸鳳凰城六代遺縱草樹平彩筆共推詞賦
手白雲閒寄古今情官曹路入官池遠齋閣窓含雪
嶂清暫向舊都留勝賞重來京陌聽珂聲

贈詹法

澗水下錢塘信水入彭蠡二水夾常山崇岡限疆重
東南此會通行子日未已我家自袁山從宦已西紀

草屨屢經懷玉棹頻艤詹氏諸弟昆相見輒為喜
我來百里迎去送百里止人情異新故獨爾恒若始
別來經幾年相念曷由邇今年禁城春謁我於官邸
頃杯敘契闊對月坐忘起別離常苦多良晤信無幾
冠蓋一朝新告我之滇水蒼厓企皇澤願子重官理
愛民如愛客政譽日嘉美後會應可期且盡掌中醴
真率似陶而春容尤難

寄贈致政王大尹

一疏聞天返舊雁便隨鷗鳥已忘機三山為縣賢聲
在數畝移家事微珠韞洛波川自媚劍留豐邑斗
直廬稿

卷七詩

十四

頻輝麻姑泉近堪調醖不向東籬待白衣

張子應台以用修書來見得官蜀邑贈之

先達何人為薦雄弊裘燕陌走西東遙知別後鳴琴
處月照峨眉第幾峯

蜀客書從滇海來因憐瓊樹重徘徊公餘想有停雲
思驛路東風寄早梅

少師相公誕辰次韻

南極一星開壽域蟠桃千歲慶嘉辰占祥夢協長庚
早紀算籌添海屋頌直以鳳麟昭國瑞却於龍馬比
精神彭聃豈足為公長願安邦輔聖人

昨年內直逢初度今夏移尊復此辰四座盡能滌
暑百巡壽酒莫辭頰格天勲業商生弼間世英賢岳
降神文彩風流驚百代前身疑是謫仙人

學士張龍湖壽詩

瑞應虹流初誕

聖誕後六日公生辰

歡傳岳降乃生賢清

秋序屬平分候名世期逢五百年南省文章魁上第
蓬山冠佩作真仙湖中龍躍開祥兆會作甘霖雨八
埏

壽詩難於着題

西園翁詩來賀予生孫次韻酬之

頓年京國望鄉閭每得書來數卷舒時舉二孫心偶

直廬稿

二卷七

五

遂晚歸三逕志非虛還丹不用逢人覓美酒常因好
客儲他日一尊堪共對登山臨水興何如

長安車馬曉充閭此日雙眉得暫舒湯餅開筵還可
辦熊羆入夢果無虛金從宴客頻推賜粟爲周貧屢
發儲千里故人能助喜新詩投贈擬瓊如

贈胡給諫侍省南還

畫舫乘春王峽歸恩光兼許奉庭闈晴烟野岸梅爭
發遲日山亭燕始飛花色映觴供壽酒天香携袖試
宮衣民風到處觀應遍細寫封章達禁扉

贈高子德崇出守平原

官於五馬時稱貴路入三秦去獨遙關塞風塵猶汗
漫閭閻杼柚轉蕭條陽城自合書賢蹟汲黯無嗟遠
聖朝前史循良瀕努力早聞襦袴遍歌謡

寄壽戴洪源京兆

蚤辭閭闔廷中籍新卜鄱陽郡裏家鳧渚鶴汀堪釣
詠稻田茶圃足生涯高談不廢三奇學大藥還尋九
轉砂節近重陽開壽域醉歌烏帽對黃花

贈費氏達奉使淮藩

尚書星履陟文昌才子華簪綴鷺行韋杜去天纔尺
五崑崗生壁自輝光貪趨故里歸程促喜近宗藩
使命將想見鴈飛秋水潤樓船旌節下鄱陽

直廬稿

卷七

六

重慶四壽詩為譚少叅賦

四親三世歡重慶華髮朱顏共一堂居向蜀邦名自
好書從殿籍字猶香人同太古稱醇德地擬甘泉作
壽鄉竇桂謝蘭歌勝事栢臺薇省佩恩光雲中煙火
藏丹竈溪上鷗魚伴野航報道文孫新衣紫過家先
奉紫霞觴

府名重慶又登科錄祖在書重慶
批云此排律全似杜

壽李封君詩為邦良大叅作

却憶茫湖湖上第碧雲迢遞寄幽蹤抱才久負蜚騰
志抗世仍餘磊砢胸皓首情怡青竹簡清銜恩拜紫

泥封金緋獻壽懷堪慰
蘭桂傳芳慶已重
十月南州天氣好
綺筵春酒綠醅濃

歲除日作

下直長安却掩門
不堪車馬往來喧
寒連朔野冰霜足
霧隱高城氣色昏
無那塵纓難自解
敢將溫樹與人言
年華暗入椒花頌
春事徐開栢葉尊

題宿鴈圖

洞庭瀟湘渺南楚
滿目秋容何處所
荷葉迎霜色半枯
芙蓉帶露花爭吐
群鴻作伴宿沙汀
深渚蘆花夢不驚
相戀夜寒時
顧影自鳴風靜更聞聲
明星漸落一片滄洲境
坐對嬋娟興不孤

贈太史吳以中張仁伯奉使宗藩

曾聽臚傳玉殿音
榜魁清望重詞林
還鄉正擁相如傳
奉使應無陸賈金
大雅文章歸述作
名都山水寄登臨
匡時有策君休負
須信蒼生望作霖

贈給諫王汝文藍完卿李元樹黃用童奉使諸

藩

侍臣銜命下丹霄
滿路恩光擁使軺
桐葉大封頒上

鳳鳴清論播中朝雲邊古樹山巖驛沙際晴煙柳
歌橋 聖王憂勤問民瘼願從方國采風謠

題畫芍藥

上苑名花萬萬叢年年長此對春風一枝寫向圖間
看誰識東皇造化工

翡翠啄榴

紅皺房榴欲坼時分明顆顆露珠璣何因翠羽頻來
此園迢深沉到者稀

黃蜀葵

高標獨與衆芳遲豔彩清含曉露滋玉砌雕闌誰作
直廬稿 八卷七 十八

伴丹心祇有太陽知

木芙蓉

霜前因見拒霜花錦繡龍葱炫晚霞疑是衆仙宴
罷醉歌紅袖倚風斜

竹枝雀巢

園雀新雛已出巢啾啾時復傍林梢主人日有平安
報庭竹無風影自交

梨花

雪白梨花似粉粧春深西郭自生香青旗沽酒誰同
醉寫入新圖殿衆芳

枇杷果

纍纍金彈壓枝斜
摘向玳盤騰可誇
何處春園堪載酒
多情長是惜年華

鴛鴦枯荷水紅

翠蓋離披颭曉風
秋塘相對水花紅
多情最愛鴛鴦鳥
來往清波蕩漾中

聽歌春詞貽坐客

聲聲嘹唳拂梁塵
到手深盃莫厭頻
一聽筵前歌霽景
帝城明日又逢春

燈詞

直廬稿

卷七

十九

燈輝月朗暖風和
九陌煙花樂事多
但願年年逢此夕
此歌元是太平歌



